



Godina XI
Utorak, 3. travnja/aprila 2007. godine

Broj/Broj
24

Godina XI
Utorak, 3. aprila 2007. godin

Na osnovu člana 4. i 12. stav (1) tačka 10. Zakona o ministarstvima i drugim organima uprave Bosne i Hercegovine ("Službeni glasnik BiH", broj 5/03, 42/03, 26/04 i 42/04, 45/06), člana 16. Zakona o upravi ("Službeni glasnik BiH", broj 32/02), člana 81. stav (3) i (4) i člana 87. Zakona o kretanju i boravku stranaca i azilu ("Službeni glasnik BiH", broj 29/03 i 4/04), člana 34. Pravilnika o azilu u BiH ("Službeni glasnik BiH", broj 26/04) i član a1. Odluke o privremenom određivanju nadležnosti ("Službeni glasnik BiH", broj 100/06), Ministarstvo za ljudska prava i izbjeglice Bosne i Hercegovine, u saradnji sa Ministarstvom civilnih poslova Bosne i Hercegovine i Ministarstvom bezbjednosti Bosne i Hercegovine, donosi

PRAVILNIK

O NAČINU OSTVARIVANJA ZDRAVSTVENOG OSIGURANJA I ZDRAVSTVENE ZAŠTITE LICA KOJIMA JE PRIZNAT IZBJEGLIČKI STATUS ILI DRUGI VID MEĐUNARODNE PRAVNE ZAŠTITE U BOSNI I HERCEGOVINI

I. OPŠTA PRAVILA

Član 1.

(Predmet Pravilnika)

Ovim Pravilnikom se propisuju nadležni organi, uslovi i način ostvarivanja zdravstvenog osiguranja i zdravstvene zaštite lica sa statusom izbjeglice u Bosni i Hercegovini (u daljnjem tekstu: BiH) i lica pod međunarodnom pravnom zaštitom, kojima se osigurava zdravstvena zaštita u BiH u skladu sa važećim zakonodavstvom u BiH.

Član 2.

(Lica koja ostvaruju pravo na zdravstvenu zaštitu)

(1) Lica koja ostvaruju pravo na zdravstvenu zaštitu u skladu sa Zakonom o kretanju i boravku stranaca i azilu (u daljnjem tekstu: Zakon) i članom 1. ovog Pravilnika su:

a) lica kojima je priznat izbjeglički status pravosnažnom odlukom Ministarstva bezbjednosti BiH, a na osnovu člana 72. i člana 76. Zakona,

b) lica kojima je u postupku azila priznato pravo na privremeni boravak iz humanitarnih razloga pravosnažnom odlukom Ministarstva bezbjednosti BiH, a na osnovu člana 35. stav (1) tačka d) i člana 79. Zakona,

c) lica kojima je izbjeglički status priznat u skladu sa članom 100. Zakona i članom 45. Pravilnika o azilu u BiH.

(2) U skladu sa članom 81. stav (3) i članom 35. stav (3) Zakona, lica iz stava (1) ovoga člana ostvaruju pravo na zdravstvenu zaštitu pod istim uslovima kako i državljani BiH. Pravo na zdravstvenu zaštitu ostvaruju i članovi porodice lica iz stava (1) ovoga člana, pod uslovom da to pravo ne ostvaruju po nekom drugom osnovu u BiH.

Član 3.

(Identifikacioni dokumenti)

(1) Lica sa priznatim izbjegličkim statusom iz člana 2. stav (1) tačka a) i c) ovog Pravilnika dokazuju svoj identitet i status važećim izbjegličkim kartonom izdatim od strane Ministarstva bezbjednosti BiH.

(2) Lica iz člana 2. stav (1) tačka b) ovog Pravilnika dokazuju svoj identitet i status validnim putnim dokumentom ili identifikacionim dokumentom izdatim u skladu sa članom 38. Pravilnika o azilu u BiH, pod uslovom da se u navedenim dokumentima nalazi validna naljepnica odobrenja boravka izdata od strane Ministarstva bezbjednosti BiH sa oznakom: "PB-HR-79Z".

Član 4.

(Uslov ostvarivanja obaveznog zdravstvenog osiguranja)

(1) Lica iz člana 2. ovog Pravilnika, koja u skladu sa članom 81. stav (3) i članom 35. stav Zakona, ostvaruju pravo na rad, socijalnu zaštitu ili drugo pravo po osnovu kojeg se ostvaruje obavezno zdravstveno osiguranje, ostvaruju svoja prava na način i pod uslovima propisanim zakonima i drugim propisima iz oblasti zdravstvene zaštite zdravstvenog osiguranja koji su na snazi u BiH.

(3) Lica iz člana 2. ovog Pravilnika koja ne ostvaruju pravo na obavezno zdravstveno osiguranje na način naveden u stavu (1) ovoga člana (u daljnjem tekstu: osiguranici), ostvaruju pravo na obavezno zdravstveno osiguranje pod uslovima propisanim ovim Pravilnikom i propisima iz oblasti zdravstvenog osiguranja u onoj mjeri u kojoj ti propisi nisu u suprotnosti sa Zakonom i ovim Pravilnikom.

Član 5.

(Osiguranje sredstava za obavezno zdravstveno osiguranje)

(1) Ministarstvo za ljudska prava i izbjeglice BiH (u daljnjem tekstu: Ministarstvo) je obaveznik uplate doprinosa (u daljnjem tekstu: obaveznik osiguranja). Ministarstvo uplaćuje doprinos za obavezno zdravstveno osiguranje za osiguranike koji ispunjavaju uslove iz člana 3. i 4. stav (2) ovog Pravilnika. Uplata doprinosa se vrši sljedećim nosiocima osiguranja:

Fondu za zdravstveno osiguranje Republike Srpske, nadležnim kantonalnim zavodima zdravstvenog osiguranja u Federaciji BiH i nadležnom odsijeku za zdravstvo Vlade Brčko Distrikta BiH (u daljnjem tekstu: nosioci osiguranja). Obavezno zdravstveno osiguranje po ovom osnovu imaju i članovi porodice osiguranika, pod uslovom da to pravo ne ostvaruju po nekom drugom osnovu u BiH.

(2) Stopa doprinosa za obavezno zdravstveno osiguranje osiguranika utvrđuje se u visini od 5% od prosječne mjesečne bruto plate zaposlenih u BiH, a prema posljednjim objavljenim podacima Agencije za statistiku BiH.

Član 6.

(Postupanje sa prijavama za zdravstveno osiguranje)

(1) Prijavu na obavezno zdravstveno osiguranje osiguranika, podnosi Ministarstvo na propisanom obrascu nosioca osiguranja.

(2) Prijava na obavezno zdravstveno osiguranje se podnosi nosiocu osiguranja u mjestu prebivališta lica iz člana 2. stav (1) tačke a) i c) ili boravišta lica iz člana 2. stav (1) tačka b) ovog Pravilnika. Mjesto prebivališta ili boravišta utvrđuje se na osnovu identifikacionih dokumenata navedenih u članu 3. ovog Pravilnika.

(3) Ministarstvo dogovara sa nosiocima osiguranja šifru osiguranika i ostala tehnička pitanja vezana za prijavu i odjavu osiguranja.

(4) Nosioci osiguranja, po zaprimljenoj prijavi osiguranja od strane Ministarstva, vrše provjeru da li lice, na koju se prijava odnosi, već uživa pravo na obavezno zdravstveno osiguranje po nekom drugom osnovu i o tome, bez odlaganja, obavještava Ministarstvo i vraća zaprimljenu prijavu.

(5) Lica iz člana 2. ovog Pravilnika, koja se obraćaju Ministarstvu sa zahtjevom da ostvare pravo na obavezno zdravstveno osiguranje, dužna su dati izjavu pod punom krivičnom i materijalnom odgovornošću da ne koriste obavezno zdravstveno osiguranje niti po jednom drugom osnovu. Ova lica su takođe dužna obavijestiti Ministarstvo o svim promjenama koje utiču na ostvarivanje prava po ovom Pravilniku.

Član 7.

(Ostvarivanje prava na obavezno osiguranje)

(1) Nosioc osiguranja, kod kojeg je izvršena prijava na osiguranje, izdaje osiguraniku i članovima njegove porodice zdravstvenu knjižicu. Status osiguranog lica se dokazuje ovjerenom zdravstvenom knjižicom i identifikacionim dokumentom iz člana 3. ovog Pravilnika.

(2) Nosioc osiguranja osiguranim licima vrši ovjeru zdravstvene knjižice u mjestu prebivališta ili boravišta.

Član 8.

(Odjava obaveznog zdravstvenog osiguranja)

- (1) Ministarstvo podnosi odjavu sa osiguranja osiguranika na propisanom obrascu nosioca osiguranja.
- (2) Ministarstvo odjavljuje sa obaveznog zdravstvenog osiguranja sva lica kojima je Ministarstvo bezbjednosti BiH donijelo odluku o prestanku statusa, kao i lica koja su stekla uslove za obavezno zdravstveno osiguranje po drugom osnovu.
- (3) Ministarstvo bezbjednosti BiH bez odlaganja obavještava Ministarstvo o svim statusnim pitanjima na način propisan Pravilnikom o azilu u BiH.
- (4) Nosilac osiguranja, po saznanju, obavještava Ministarstvo da je osiguranik stekao uslove za status osiguranog lica po drugom osnovu.

Član 9.

(Zaštita podataka)

- (1) Na podatke koji se odnose na lica iz člana2. i člana11. ovog Pravilnika primjenjuju se propisi o zaštiti ličnih podataka koji se odnose i na državljane BiH.
- (2) U odnosu na zemlju porijekla lica iz člana2. i člana11. ovog Pravilnika sve informacije i podaci se smatraju povjerljivim i mogu biti dostavljeni zemlji porijekla samo nakon što se prethodno pribavi mišljenje Ministarstva i pismena saglasnost lica na koju se taj podatak odnosi.

Član 10.

(Vođenje službene evidencije)

- (1) Ministarstvo vodi službenu evidenciju o licima koja ostvaruju pravo na obavezno zdravstveno osiguranje po ovom Pravilniku.
- (2) Ministarstvo izdaje na osnovu člana162. Zakona o upravnom postupku potvrde o činjenicama o kojima ovo Ministarstvo vodi službenu evidenciju.

II. PRELAZNE I ZAVRŠNE ODREDBE

Član 11.

(Lica zaštićena članom 85. Zakona)

- (1) Lica koja imaju pravo na međunarodnu pravnu zaštitu na osnovu propisa donesenih od strane Savjeta ministara BiH, u saradnji sa UNHCR-om, u slučaju masovnog priliva, a koja ne mogu ostvariti pravo na obavezno zdravstveno osiguranje po drugom osnovu, ostvaruju to pravo na način i pod uslovima propisanim ovim Pravilnikom.

(2) Karton izdat u skladu sa propisima iz stava (1) ovog članasluži kao identifikacioni dokument u svrhu ostvarivanja prava po ovom Pravilniku.

Član 12.

(Povoljniji tretman)

Entiteti, Brčko Distrikt BiH ili kantoni mogu pružiti povoljniji tretman licima iz člana2. i člana11. ovog Pravilnika prilikom ostvarivanja prava na zdravstvenu zaštitu i zdravstveno osiguranje, a koja imaju prebivalište ili boravište na njihovoj teritoriji nezavisno od ovog Pravilnika.

Član 13.

(Tumačenje Pravilnika)

Za tumačenje i provođenje odredbi ovog Pravilnika nadležno je Ministarstvo.

Član 14.

(Stupanje na snagu)

Ovaj Pravilnik stupa na snagu osmog (8) dana od dana objavljivanja u "Službenom glasniku BiH".

Broj 01-31-833/07
13. marta 2007. godine
Sarajevo

Ministar
dr **Safet Halilović**, s. r.